



In sabeda ai 14 de jügn él gnü sughé a Vahrn la partida de dezijiun danter la squadra ladina da La Val y la squadra da Montan. Le pest por la devënta de chësta partida é la promoziun de 2^a categoria.

A la squadra da La Val ne ti gareta nia le salt inant y mëss ti lascè le post al'aversar, che à la miù sön la squadra ladina por 2 a 1. A di l'ultima parora sce La Val restarà definitivamënter te 3^a

categoria é la partida da in mercui por le terzo y cuarto post, che pudará ester dezisiva.

Al é stè la finala de Copa Provinzia a determiné les partidas de dezijiun por jì sō te categoria. Dō le titul, davagné dal “Ritten Sport”, él gnü sughé 2 partidas sēcies, trames la sabeda domisdé. Les dōes scaudres che à consuisté l’ azes ala categoria dessura é le Montan y le Laugen (che à davagné cuntra le Ritten ai önescmetri). La determinaziun y la convinziun de podēi stlū jō bun chēsc bel campionat, un di miūs disputà cina sēgn por La Val, ne à mancé dessigū nia. N grüm de sostenidūs é rovà adalerch a ti fa da cornisc ala partida y a motivé ciamò deplō i sogadūs. Ince sce la squadra é bel atira jūda sot de dui goi, an udū na bela prestaziun, cīs tla secunda pēt dla partida, daulache al é gnü mostrè n gran jūch offensiv y na gran grinta a recuperè.

I sogadūs da La Val é atira da mēt man dla partida dēr compac y ne lascia nia passè saurì l’aversar, la luziditè ne sgara nia y la posiziun te ciamp vēgn tignida bun. Al ne passà nia tröp tēmp che Emanuel D. à na gran ocajiun. Sōn n retropasaje de n defensur avversar a sō portier, ti rōia le pal bel sōn le pé a Emanuel, mo imped de trà prōl a driblé le defensur che é bun de le tignì sō al ultim momēt. Atira dedō é spo la squadra ladina che mēss subì le pröm gol. Sōn na rebatūda dl verda porta avversar, rimbalza le pal sura la defenjiun fora y ti rōia avisa al atacant, che cun n bel palonēt sura Lukas E. fora fej balè la rēi. 1 a 0 por le Montan. Ince l’ arbiter fej sūa pert y sciūra de vigni sort de fai inventà cuntra la squadra da La Val. Chēsc influenzēia dēr la partida, La nervositè se fej atira sintì pro I sogadūs y la calma ne vēgn nia plō tignida sot a control. Le gol dl 2 a 0 toma pūch dō, te area é n atacant che ciafa le pal y n defensur da La Val pro de ne ti fa nia udēi la porta. Chēsc se sciūra ia por tera y le arbiter sēnza punsè sura sciūra atira le önescmetri, che vēgn trasformé tl gol. N önescmetri dēr tl dübe, che l’ arbiter ess podū se sparagné.

Sēgn mēss i sogadūs trà fora dūt por remuntè le resultat, le alenadù Floriani fej ince val modaziuns tla formaziun por passè a n modulo plō offensiv a chirì atira le pröm gol. Sciode che al mancia ma plō pūch ala fin dl pröm tēmp y tröp ne suzedl nia plō.

Le arbiter sciüra la fin dl pröm tēmp che se stlūj jö sön le 2 a 0 por le Montan .

Le secundo tēmp é dessigü stè plö rich de aziuns y de "suspense" por le publich. Ti pröms 10 menüć é la partida dēr ecuilibrada y al vëgn ciarè de sughé tröp cun le pal bâs y de costruì val aziuns. Na bela ocasiun ti garetà spo a Alexander M., apēna rove te cíamp a rafforzè l'atach ladin. Dorigo é bun de ti dè jö n bel pal bâs al limit, mo la trata de Alexander rōia sura porta fora. Ince le Montan devēnta indô prigorûs dan la porta de Lukas E.. Cun sūes uscite sogüdes rōia trê le verdaporta denant a antizipé l'avēsar.

A segnè le pröm gol pēnsa Alex E., sön na bela aziun abinel le pal al limit tl'area y cun na bela trata dlungia le palo it ti dal indô speranza ala squadra. Dô le gol vëgn l ritmi detà dai ladins, cun de bì pasaji rōi plö iadi a contlujun y mēt a dūra prōa la defenjiun dl Montan. Te chësc momēt é Marco C. che subësc n burt contrast cun n avēsar. Da jì sō de cé se ciāfel n comedun che ti procurēia n tâi sura l' edl, le jüch vëgn architè y le medemo mëss por na sigüda gnì portè demez cun la crusc blancia. A Marco ti vara indô bun y al sla cava cun val punt y n edl brüm. Chësc episode à n pü rot le druch y le bel jüch dla squadra da La Val. Le arbiter fej proseguì la partida y i sogadûs ciara ciamò cun trates fora dl'area de arjunj la parité. Al mancia ma plö püc menüć ala fin y al é ciamò le Montan che ciāfa n önescmetri, n atacant vegn rusedè tl'area. La trata vëgn architada sō cun na gran parada de Luki. Do chësc ultim episode ne é i sogadûs nia plö bugn de odēi la porta. Le arbiter sciüra la fin y i sogadûs mëss lascè le cíamp maledèt da Vahrn sön le resultat dl 2 a 1. Por se consolè pon sughé ciamò in mercui por le terzo post y sperè che al sides ciamò n post lēde por jì sō.

Formaziun titolara: Lukas Eder, Marco Castlunger, Paolo Vallazza, Alex Alton, Elmar Valentin, Stefan Sottara, Max Nagler, Alex Elzenbaumer, Romeo Rubatscher, Micky Frenes y Emanuel Dorigo.

Alenadù: Floriani Claudio

Insëra, mercui ai 23 de aurì él gnü sughé l'andata dla semifinala de Copa Provinzia cuntra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.